

NAATSUMIK ILISIMATITSINEQ NOTE #2: 10. oktober 2016

**OFFSHORE KULBRINTEP SULIAQARNERANIK AVATANNGIISINIK
NALILERSUINEQ**



Inerniliissutigineqarpoq Kalaallit Nunaat sinerissap avataani uuliasiorluni misissuinerlut VVM-mut suliassaqarfimi maleruagassiivulluutoq aammalu inatsisit nunani tamalaani inassuteqaatinut naapertuuttut. Taamaattoq nunani misissuinermit ilaatinneqartuni naalakkersuinnikkut maleruagassiisarneq annertuunik assigiinngissuteqarpoq aammalu assigiinngissutaasut sammineqarnerat tunngavigalugu, immikkoortut arlallit, siunissami inatsisit nutarterneqarnerannut atatillugu isumaliutersuutitut aallaaviusinnaasut, nalunaarusiami saqqummiunneqarput:

- Sumiiffinnik pisinnaatitsissuteqarfiussanik toqqaanermut atatillugu avatangiisinik nalilersuineq nukittorsarneqartariaqarnerasoq, kiisalu suliassap ingerlanerani alloriarfiit sorliit, tamatuma kingorna VVM-imik peqarfiunissaat pisariaqassanersoq.
- Sumiiffinnik pisinnaatitsissuteqarfiussanik toqqaanermi innuttaasunik akuutitsineq nukittorsarneqassanersoq.
- Inooqatigiinnermi nalilersuinerit avatangiisinik nalilersuinermit akuutillugu ilaatinneqassanersoq imaluunniit nalilersuinerit immikkoortut attanneqaannassanersoq.
- VVM-imi immikkoortuni assigiinngitsuni innuttaasunik akuutitsinermit suut aallunneqassasut, nassuiaqqissaarneqassanersoq.
- Oqartussaasut innuttaasunik akuutitsinermit annertunerusumik akisussaasuussanersut, immaqqa suliqaartuusunit aningaasaqarnikkut tapersiineritallimmik.
- VVM-imut atatillugu tamat akuutinneqarnissaannik tapersiisarnerup maleruagassiivigineqarnera pitsanngorsarneqassanersoq.
- Tamat aalajangiinnermit aamma aalajangiinissamut suliap ingerlanerani qanoq sunniisimanersut, nassuiaateqarnissaq pillugu piumasaqaateqartoqassanersoq.
- VVM-inut naammagittaalliornissamut ersarinnerusumik ilitsersuummik suliqaartoqassanersoq.
- Allatut iliuusissanik atuinissaq pillugu piumasaqaateqartoqassanersoq, kiisalu qaqugukkut aamma qanoq avatangiisinut sunniinerit annertuut nalilersorneqarnerat suliarineqartassanersoq.
- Oqartussaasut paasissutissat qanoq iluseqarnissaat pillugu annertunerusumik piumasaqaateqarsinnaassanersut, taamaalilluni paasissutissat qarasaasiami paasissutissaasivinni ataatsimoorussani ajornannginnerusumik katersorneqarsinnaassallutik aammalu pisariaqarpat tamanut atugassiissutigineqarsinnaassallutik.

Kalaallit Nunaanni suliniuteqartut assigiinngitsut Nuummi marsip qaammataani 2016-imi suleqatigiinneranni inerniliussat oqallisigineqarput. Suleqatigiinnermi kalaallit tamatumanik suliqaartuisa suliassat pingaaruteqarneruneraaat eqqumaffiginiagassatut inernilerneqarput.

Misissuinnermut nalunaarusiami paasissutissat allat takuneqarsinnaapput. (Malugiuk danskisuinnaq allassimammat).

Misissuinnermi nalunaarusiat uannga aasinnaavatit:

http://vbn.aau.dk/files/241780210/Hovedrapport_Endelig_version.pdf

http://vbn.aau.dk/files/228850342/060116_Bilagsrapport_2.pdf

http://vbn.aau.dk/files/209588524/Bilagsrapport_1.pdf